

**OKVIRNI SPORAZUM
O SERVISIRANJU MOTORNIH VOZILA I ISPORUCI
ORIGINALNIH DIJELOVA ZA SERVISIRANJE VOZILA MARKE ŠKODA**

zaključen između:

A. TRIAB d.o.o. Sarajevo, ul. Alipašina bb, 71 000 Sarajevo, ID broj: 4201827680001, koga zastupa direktor Adis Bunjo,
(u daljem tekstu: Izvršilac)

i

B. KANTON SARAJEVO, Kantonalni zavod za pružanje besplatne pravne pomoći ul. Branilaca Sarajeva 21. Sarajevo, **ID broj: 4204789490007**, koga zastupa direktor Velija Nuhanović
(u daljem tekstu: Naručilac)

Član 1.

Predmet ovog Okvirnog sporazuma je vršenje servisnih usluga, popravka motornih vozila i prodaja originalnih dijelova vozila iz proizvodnog program marke Škoda, po važećem cjenovniku i normativima izvršioca, a u skladu sa uslovima ponude Izvršioca broj: 112/19. od 30.11.2019. godine, zaprimljene pod brojem: 17-14-42443 od 03.12.2019. godine (**LOT 2**), kod Stručne službe za zajedničke poslove Kantona Sarajevo koja je provodila postupak javne nabavke i za Kantonalni zavod za pružanje besplatne pravne pomoći, sa statusom samostalne upravne organizacije, koja će obaveze plaćanja vršiti iz vlastitih budžetskih sredstava.

Član 2.

Izvršilac se obavezuje da će:

- a) stručno i kvalitetno obavljati servisne usluge i popravke motornih vozila Naručioca u garantnom i vangarantnom roku,
- b) u roku od 24 sata od momenta dopremanja motornog vozila u servis uzeti u rad,
- c) na svom lageru obezbijediti neophodne rezervne dijelove za servisiranje vozila uz prethodno dostavljenju specifikaciju Naručioca,
- d) sve servisne intervencije i opravke vozila Naručioca vršiti u skladu sa planom održavanja vozila, odnosno prema uputama proizvođača istih.

Član 3.

Naručilac se obavezuje da će se pridržavati plana održavanja vozila, odnosno uputa proizvođača istih, uključujući primjedbe Izvršioca.

Naručilac se obavezuje da neće koristiti usluge drugih servisa sa područja Kantona Sarajevo za popravak i održavanje svojih vozila osim u slučajevima kada drugačije nije moguće.

Izvršilac se obavezuje da će se pridržavati svih garantnih uvjeta proizvođača vozila u skladu sa Okvirnim sporazumom.

Član 4.

Usluge iz tačke 1. ovog okvirnog sporazuma ugovarat će se kroz izdavanje narudžbenice za neophodne poslove servisiranja vozila u okviru ovog okvirnog sporazuma za svaku popravku posebno. Usluge servisiranja vršit će se na osnovu zahtjeva Naručioca, koji će svoje potrebe za uslugama servisiranja iskazivati kroz zahtjeve Izvršiocu, koji će za iste dostavljati ponude prema uslovima prihvaćenog Okvirnog sporazuma, dok će Naručilac kroz ispostavljanje narudžbenica prema dostavljenoj ponudi, na ovaj način vršiti ugovaranje servisiranja u okviru ovog Okvirnog sporazuma.

Član 5.

Izvršilac se obavezuje da će sljedeće servisne intervencije izvršiti **odmah**, odnosno bez prethodne najave Naručioca i to:

- zamjena akumulatora,
- zamjenu metlica brisača,
- opravka ispušnog sistema,
- zamjena kočionih obloga,
- zamjena sijalica, kao i druge servisne intervencije koje ne zahtijevaju dugo vremensko zadržavanje.

Naručilac se obavezuje da redovne servise, koji su predviđeni u servisnim knjigama i uputstvima za upotrebu vozila koje preporučuje proizvođač, neće tretirati kao hitne i za njih neće tražiti izvršenje bez prethodne najave.

Član 6.

Izvršilac će cijenu obavljene usluge iz Člana 1. ovog Okvirnog sporazuma obračunavati na osnovu specifikacije urađenih poslova, utrošenog materijala i ugrađenih dijelova po sljedećem cjenovniku:

1. **MEHANIČAR (radni sat / norma sat).....35,10 KM (sa PDV-om),**
2. **ELEKTRIČAR (radni sat / norma sat).....35,10 KM (sa PDV-om),**
3. **LIMAR (radni sat/norma sat).....46,80 KM (sa PDV-om),**
4. **LAKIRER (radni sat /norma sat).....46,80 KM (sa PDV-om).**

Za sve vrste servisnih usluga motornih vozila iz proizvodnog program marke Škoda, Izvršilac će se **pridržavati cjenovnika rezervnih dijelova** koji je dostavljen u ponudi broj: 112/19 od 30.11.2019. godine, zaprimljene pod brojem: 17-14-42443 od 03.12.2019. godine (**LOT 2**).

Za sve izvršene usluge Izvršilac odobrava rabat u iznosu od 10% koji će se obračunavati i posebno naznačiti pri ispostavljanju fakture.

Vrijednost ovog Okvirnog sporazuma utvrđuje se u iznosu do **1.300,00 KM (bez PDV-a)**

Član 7.

Ugovorne strane su saglasne da rok plaćanja iznosi 31 dan od dana izdavanja računa.

Naručilac se obavezuje da neće stvarati nove materijalno-finansijske obaveze ukoliko je rok za plaćanje prethodnog računa istekao.

Član 8.

Okvirni sporazum stupa na snagu danom potpisivanja i važi do 31.12.2020. godine, uz mogućnost produženja za još jednu godinu pod istim uvjetima. Uslov za produženje Okvirnog sporazuma je saglasnost ugovornih strana.

Član 9.

Garantni rok na izvedene radove i ugrađene originalne dijelove iznosi 12 mjeseci.

Član 10.

Svaka ugovorna strana može jednostrano pokrenuti proceduru za raskid ovog Sporazuma ako druga ugovorna strana ne izvršava obaveze preuzete ovim Okvirnim sporazumom uz otkazani rok od 30 dana (računajući rok od dana prijema otkaza).

Član 11.


Ugovorne strane su saglasne da će sve eventualne sporove u vezi izvršavanja ovog Okvirnog sporazuma nastojati da riješe sporazumno, a u slučaju nemogućnosti rješenja spora sporazumno ugovorne strane su saglasne daje nadležan sud u Sarajevu.

Član 12.

Ovaj Okvirni sporazum je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Član 13.

Okvirni sporazum stupa na snagu danom obostranog potpisivanja od strane ovlaštenih lica ugovornih strana.

IZVRŠILAC
"TRIA" d.o.o.
SARAJEVO

Adis Banjo
direktor

Datum: 03.12.2020.

Broj: AB-044/20


NARUČILAC
KANTON SARAJEVO
Kantonalni zavod za pružanje
besplatne pravne pomoći

Velija Nuhanović
direktor

Datum: 03.12.2020. godine

Broj: 28-01-11-216/2020